

## Ո Ր Ո Շ ՈՒ Մ N 92

վարչական գործի վարույթը կարճելու մասին

<17> հուլիսի 2019թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետ Ռ.Գրիգորյանս, քննելով Մանֆրեդ Բիրկեի (Գերմանիայի Դաշնային Հանրապետության քաղաքացի, անձն. C8GM8MNZY) կողմից մաքսային կանոնների խախտում կատարելու վերաբերյալ նյութերը

### Պ Ա Ր Զ Ե Ց Ի

Մանֆրեդ Բիրկեն 04.06.2019 թվականին թիվ 0000409605 մաքսային մուտքի օրդերով 30 օր ժամկետով՝ մինչև 04.07.2019 թվականը ՀՀ տարածք է ներմուծել FIAT մակնիշի, LBXL445 պետհամարանիշի, 2012 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի կապակցությամբ 08.07.2019 թվականին Մանֆրեդ Բիրկեի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝

ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 11.07.2019 թվականի թիվ Ն/2-5/78522-2019 գրությամբ տրամադրված տեղեկությունների համաձայն Մանֆրեդ Բիրկեն 04.06.2019 թվականին Բավրայի սահմանային անցակետով ՀՀ է ներմուծել FIAT մակնիշի, LBXL445 պետհամարանիշի ավտոմեքենա, սակայն 17.06.2019 թվականին Բագրատաշենի մաքսային կետով արտահանել է ՀՀ-ից FIAT մակնիշի, LB-K-0-245 պետհամարանիշի ավտոմեքենա: Ուսումնասիրելով վարչական վարույթի նյութերը, ինչպես նաև Մանֆրեդ Բիրկեի կողմից 04.06.2019 թվականին ՀՀ սահմանը հատելու ժամանակ ներկայացված ավտոմեքենայի տեխնիկական անձնագիրը, պարզ է դառնում որ տեխնիկական անձնագրի մեջ նշված է ինչպես LB-K-0-245, այնպես էլ LBXL445 գրառումները, որով հիմնավորվում է, որ ՀՀ ժամանակավոր ներմուծված ավտոմեքենան սահմանված ժամկետում արտահանվել է ՀՀ-ից:

Այսպիսով, վարչական վարույթի նյութերով հիմնավորվում է, որ Մանֆրեդ Բիրկեի գործողություններում բացակայում է իրավախախտման դեպքը:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

### Ո Ր Ո Շ Ե Ց Ի

1. Մանֆրեդ Բիրկեի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Մանֆրեդ Բիրկեին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



Ռ.ԳՐԻԳՈՐՅԱՆ